

ՂՈՌՈՐՈՒՂԱՆ.– Լաւ խոշորները կան: (Միւս հսկաներին) Յաճախ: Ծառը
բերէ՛ք:

ՀՍԿԱՆԵՐ.– Բերո՛ւմ ենք, Յաճախ...(Բերում են պղինձը դնում Նազարի
առաջին):

ՓԵՐԻՇԱՆ.– (Թեւքերը քշտած՝ ձեռք կոխում է, պղինձը, խառնում է
շերտերով):

ՀՍԿԱՆԵՐ.– (Թփփալով նստում են շուրջը):

ՂՈՌՈՐՈՒՂԱՆ.– (Նազարին) Յաճախ...անո՛ւշ արա, մաա՛տաղ, սիրտդ ի՛նչ
է ուզում: Ե՛ր: Յաճախ... (աւելի բարձր) Ուղտ, Յաճախ... Փի՛ղ... Յա՛ճախ...
(Թեւքերը քշտած հանում է մսի խոշոր կտորներ եւ դնում Նազարի
առջեւ) Անուշ արա: (Միւսներին) Կերէ՛ք: (Ինքը քաշում է մի մեծ կտոր,
միւսները նոյնպէս թեւքերը քշտած հարձակում են պղնձի վրայ ու
սկսում են լափել):

ՂՈՌՈՐՈՒՂԱՆ.– Յաճախ... մուռնետի՛կ, իմաց տուր թագաւորին, թող գա
կռիւ անենք: Ասա, Փերիշանին քեզ կնիկ չենք տալու: Ասա, Էլ մեր
թագաւորը չե՛ս:

ՄՈՒՆԵՏԻԿ.– Աչքիս վրայ (Ածում է պարկապզուկը ձախ ձեռքի մատներով,
խսկ աջով՝ փչում է գունդն) Է՛յ, թագաւոր, քեզ իմացում, Փերիշանը
քեզ չենք տալիս: Էլ մեզ թագաւոր չես: Արի կռիւ անենք:

ՂՈՌՈՐՈՒՂԱՆ.– (Վեր է թռչում) Յաճախ...

ՆԱԶԱՐ.– (Ցնցունելով) Մնար մի ուրիշ անգամ, իմանո՛ւմ ես:

ՂՈՌՈՐՈՒՂԱՆ.– (Դեռ-դեռ ընկնելով, կռուի տրամադրութեամբ) Իմանո՛ւմ եմ,
մաա՛տաղ, իմանում եմ... (Հսկաներին) Լաա՛ւ զինուեցէ՛ք. կռիւ պիտի
տանք... Յաճախ... (Շառաչ հանելով հագնում է գէնք ու զրահը: Միւս
հսկաները նոյնպէս: Ապա բարձրանում է ամրոցը, այնտեղից դիտում
է շրջակայքը, վազում է վար ու դարձեալ պտոյտներ գործում
դետուդեն):

ՆԱԶԱՐ.– (Նրա հետեւից ման գալով) Ը՛, ը՛, գեաղա՛, ի՛նչ եմ ասում...
Խաղաղութիւնն աւելի լաւ է... Իմանո՛ւմ ես:

ՂՈՌՈՐՈՒՂԱՆ.– Յո՛ւ հա՛: (Մեքենայաբար կրկնում է) Խաղաղութիւնն
աւելի լաւ է: (Վազում է նորից ամրոցի գլուխը եւ իջնում ցած):
Յաճախ... Եկա՛ն:

ՄՈՒՆԵՏԻԿ.– Դեսպան եկաւ թագաւորից:

ՆԱԶԱՐ.– (Հազում է) Ըհը՛...

ԴԵՄՊԱՆ.– (Մտնելով ձախից)